



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Officio paruo B. Virginis Mariae. Cap. 1.

urn:nbn:de:hbz:466:1-9521

SECTIO NONA.

De Appendicibus Breuiarij.

IN fine Breuiarij addita sunt quedam, quæ dici possunt Appendices, quia non sunt partes Horarum Canonicarum, nec ad eas, nisi remotè, pertinent; de quibus, ordine Breuiarij seruato, nunc restat dicendum.

SECTIONIS IX. CAPITA VI.

1. De Officio paruo B. Virginis Mariae.
2. De Officio Defunctorum.
3. De Psalmis Gradualibus.
4. De Psalmis Poenitentialibus.
5. De Ordine Commendationis animæ.
6. De Benedictione Mensæ, & Itinerario Clericorum.

De Officio paruo Beatae Virginis Mariae.
Cap. I.

A Petro Damiani Cardinali fuit institutum officium, quod dicitur paruum Beata Virg. ante Annum 1056. ait Baronius, eodem Anno in Annalibus: vel restitutum, ut scribit, in vita eiusdem Petri, Flaminii, & Fortunatus, quæ habetur initio operum eiusdem; Gregorio Septimo iubente, ut addit Hieron. Rubens in Histor. Ravennat. quod puto verius; quia Paulus Diaconus in expositione Regulae Sancti Benedicti, quæ habetur M. S. in Bibliotheca Aniciana Collegij S. Gregorij de Urbe, scribit, quod Gregorius III. & Zacharias Summi Pontifices, qui vixerunt ante Ann. 752. præceperrunt Cassinensi Congregationi, ut omni tempore una cum officio diuino recitarent etiam officium B. Virg. ergo antiquorem habet auctorem. Decreto deinde Urbani II. in Concil. Claramont. Ann. 1096. mense Nouembri, recitari ab omnibus Ecclesiasticis quotidie iussum est, ut notat Radulph. propos. 20. consuetudo tamen hæc, seu lex fortasse non sicut ybique recepta; quæ paulatim in communem usum abiit: unde Summisti omnes dicunt, usu tantum vim legis habente, non iure scripto illud recitari; quod D. Barth. Gauant. Tom. II.

notat Azor. part. I. lib. 10. cap. 16.

2 Extra Chorum nunc temporis nemo tenetur hoc officium recitare: contra Nauar. de Orat. cap. 10. nn. 3. qui tamen Miscell. 77. mutauit sententiam ob Bullam Pij V. qui in Bulla edita pro Breuiario tollit omnem obligationem recitandi hoc officium extra Chorum.

3 Pensionarij extra Chorum tenentur ad recitationem quotidianam huius officij sub pena restitutionis fructuum Pensionis ad ratam, ea ratione, quam attulimus supra in restitutione fructuum Beneficij, Sect. I. cap. 6. num. 2. pag. 9. ut patet in Bulla Pij V. hac de re edita: Ex proximo Lateranensi.

4 Quod si Pensionarij recitent Horas Canonicas maiores ratione Ordinis Sacri, vel Beneficij, tunc eximuntur ab onere recitandi huius officij partui, immo vero etiam, si ex pietate tantum recitent officium maius, quod docent communiter DD. Vide Azor. loco cit. c. 4. quest. 3.

5 In Choro, si adest consuetudo recitandi hoc officium, obligat adhuc, cum Pius V. eamdem potius confirmauerit in Bulla Breuiarij: non tamen Canonicus extra Chorum tenetur ad illud recitandum, ut docet Azor. loco citat. cap. 16. si vtratur Breuiario Pij V.

6 Immo Sacra Rituum Congregatio, die prima Septembr. Anno 1607. decreuit; seruandam esse quoque eam consuetudinem, qua recitatur in Choro hoc officium in Semiduplicibus, & Dominicis, non obstante Rubrica Breuiarij, de qua mox dicemus; quia nimirū Pius V. in Bulla Breuiarij habet hec verba; sine praedicto sancte consuetudinis illari. Ecclesia-

K 3 rum,

rum, in quibus officium parvum Beata Virginis in Choro dici consueverat: ita ut in predictis Ecclesijs seruetur ipsa laudabilis consuetudo celebrandi, more solito predictum officium, more, ait, solito. ergo & in Dominicis, & in Semiduplicibus, si adest consuetudo. Tandem Urbanus VIII. de consilio Sacre Rituum Congregationis decreuit 2. Januarij 1627. etiam mutato proprio Breuiario, & Romano acceptato, adhuc eos teneri ad quotidianam officij Beatae Virginis recitationem qui antea ex consuetudine tenebantur: & Decretum fuit impressum Romae, instante Abbe Ripolensis Monasterij in Cathalonia.

7 Quando verò sit alias dicendum in Choro, explicatur in Rubricis Breuiarij circa finem eiusdem. nam omittitur, quando fit officium nouem lectionum (excepta consuetudine numero praecedenti allegata) & hac de causa quod dolo, in multis Ecclesijs Festa plura nouem lectionum introducta sunt, Regularibus quoque eadem celebrantibus, ut relegatur à Choro officium parvum B. Virg. Ipsi viderint.

8 Non item dicitur in Vigilia Natiuitatis Domini: quod etiam notatum reperti in Breuiario M. S. nec in Ferijs maioris Hebdomada, vt vni Christo vacemus. alias autem in Breuiario M. S. & 1550. triduum tantum ultimum maioris Hebdom. excipiebatur in recitatione huius officij: nec infra Octanas Paschæ, quod & tradit Radulph. propos. 20. propter temporis, inquit, incongruentiam: nec infra Octanas Pentecostis, vt in Breuiario M. S. & 1550. nec in Sabbatis, quādo fit officium de Beata Maria ne bis, ait Radulph. videatur dici idem officium. quibus diebus omittitur à primis Vesperis, & in Vigilia Natiuitatis à Matutino, vt in Breuiario etiam M. S. & 1550. Antea recitabatur in Choro, etiam in Festis Duplicibus maioribus, vt testantur Breuiaria predicta M. S. & 1550. non protamēn ubique; quia adhuc seruaretur hic ritus ob ea, quæ diximus num. 6.

9 De modo illud recitandi, tum in

Choro, tum extra Chorum, nunc dicamus. Nam septem Horas habet, & Horae easdem partes, quas in Horis Canonici enumerauimus; ut in numero eorum septenario easdem causas mediteris erga B. Virginem: quas erga Deum significavimus in Horis Canonici, Sect. I. cap. 3. num. 5. & 6 pag. 3.

10 Concordant hæ Horæ cum antiquis, ut satis indicat Radulph. loc. citato, & cum Breu. M. S. exceptis his, quæ sequuntur. Nam in Breuiario 1550. additur Hymno; *Memento salutis auctior* (qui est de Hymno ad Vesp. Natiuitatis Domini) sequens alter versus *Maria Mater gratie*: qui olim erat ultimus Hymni, *O gloria*, ex Michaelo Timotheo de Hymnis lib. quarto Hymn. 32. Ante secundam Lectionem addidere Benedictio, quæ in M. S. non erat: mutata est rite in Breu. V. tamquam nunc legitur. ad Horas omnes fiebat commemoratione Apostolorum, & omnium Sanctorum, quæ hodie fit ad Vesperas, & Laudes tantum Exstat Bull. P. V. Ann. 1575. quæ prohibentur officia Beatae Virginis vulgari sermone edita; & approbatur; quod hodie habetur additis alijs, quæ in eodem officio leguntur.

11 Quadruplex item mutatio huius officij indicatur à Radulpho loco citato, & habetur in Breuiario M. S. & 1550. in Aduentu, post Natiuitatem, tempore Paschali, & reliquo anni tempore: & congruit varietate temporum. Tempore Passionis nulla fit detractio, sed dicitur, *Gloria Patri*, in Inuitatorio, & Resp. 3. vt in Festis Sanctorum. Tempore Paschali dicuntur in Noct. tres Antiphone, vt alias, quia non est officium de Feste. An verò addendum sit, *Alleluia*, Inuitatorio, Antiphonis, Responsorijs, &c. dubitauere non pauci ex una parte negant, ad distinctionem Horarum maiorum Canonicarum; & quia Rubrica hac de re in loco proprio Breuiarij non habetur: ex altera affirmant, & videtur haberi satis in officio simili Beatae Mariæ in Sabato; neque minus resonare debet, *Alleluia*, in officio patruo Beatae Virginis, quā

in

in officio Christi, qui suæ Resurrectionis prima Matri gaudia, & maiora dedit. nihilominus tamen non est addendum, *Alleluia*, ex Decreto Sacrae Rituum Congregationis 28. Martij 1626. Maturatur etiam in Nocturno Antiphona, *Post partum*, in *Angelus Domini*, tempore Adventus, & in officio Annunciationis, & Conceptionis Beate Virg. quia propriè, & principaliter representat tempus ante Nativitatem Christi, & mysterium Incarnationis; quod sonat, Antiphona, *Angelus Domini*.

12 Si contingat transferri festum Purificationis ob Dominicam priuilegiata seu aliam ob causam; eo casu transfertur etiam mutatio officij, quam supra signifi- cauimus, quod expressè dicitur in Breuiario 1550. sed extra Chorum mutatur die 3. Februarij; quia in hoc casu attenditur festum, non officium, Ch. xi.

13 In Choro dicitur hoc modo, Preponitur officio diei in Matutinis, & Vespere, in alijs Horis postponitur. Docet idem Radulph. loco citato ex vsu Romanorum, secundum usum inquit, Fearum Minorum, quorum Breuiaria adhibita sunt, ut alias diximus, exclusis alijs à Nicolao III. Habetur etiam hic ritus in Breuiario M.S. & 1550. Ratio esse potest, quia dividitur officium in antemeridianum, & pomeridianum. virumque vero, auspice B. Virgine, inchoari debet, premissis eiusdem Horis patuis Matutino, & Vespere maioribus de officio diei: & eo casu omittitur Vers. in fine. *Fidelium anima*. Reliquæ Horæ postponuntur, vii minores Horis Canonicis Prima de Beata Virgine dicitur, antequam legatur Martyrologium: quod non est pars Hore Prima, sed quid superadditum, ut supra docuimus; vnde, & à multis legitur extra Chorum in loco Capituli.

14 Extra Chorum dicitur pro opportunitate temporis, & primo ante quinimumq; Horam dici debet Salutatio Angelica, ut in Breuiario 1550 prescribitur, & Durand. docet lib. 5. c. 2. tum in fine ultime Horæ, si plures simul recitentur, ut Durand. ibidem.

15 Diuidi quoque potest in priuata recitatione, ex causa, Maturum à Laudibus dicta in fine Salutatione Angelica & eadem repetita ante Laudes ut in simili casu diximus de Horis Canonicis cum Nauarro *supra Sect. 4. c. 2. n. 3. C. 4. pag. 42.*

16 Proposita est Indulgentia centum dictum recitantibus dictum officium, iuxta Rubricas Breuiarij à Pio V. in Bulle eiusdem Breuiarij.

De Officio Defunctorum.

Cap. II.

1 **O**fficium Defunctorum dictum est. Agenda, à Vualastrid. c. 25. & à Durand. lib. 7. cap. 35. quia agere significat, celebrare. item Exequiæ ab August. lib. de cura pro mortuis, nō quia extra alia sequuntur, ut quidam definuerent, sed quia ex Durand. ibid. extra viuos mortui sepeluntur: & extra Horas Canonicas hoc officium proprios habet ritus. Donatus definit Exequias, quia mortuus praebat, ceteri lequebantur infunere. cum autem hodie in funere præcedat Clerus caderet mortui, dicere possumus; nos mortuum sequi, quia obiit ille prius. Exequias explicat ab executione dictas Mutilius Capuccinus de *Offic. mort. c. 6.* quia inquit executioni mandanda est Defunctorum voluntas.

2 De hoc officio habetut Canon. *extra de celebratione Missar. c. Cum cantatur*. Ab Apostolis ortum habet, ex Dion. de Ecclesiast. Hierarch. cap. 7. ab Origine auctum fusse dicitur, teste Augustino in lib. Enchiridion, & Ilidoro de officio Ecclesiasticis. Sancto Augustino tanquam auctori tribuit Iacobus de Valencia in exposit. Hymni, Te Deum. Auctor ligni vita lib. 5. auctorem huius officij facit Amalarium, qui c. 79. de ordine Anupisonar. indicat, se collegisse ex Romano, & Metensi Antiphonarij ea, quæ recte in libi visa sunt, de ordine sepulture. Responsoria composuit Mauritius Episcopus Parisien. qui obiit anno 1196. teste Sancto Antonino citato à Democharte tomo 2. de sacrificio Missa c. 18. Ora-

K 4 tio-

